



Tusarniaaneq – 2026-imi saarullittassat TAC

Saarulliit

2025—mi saarullinnut aqutsinissamut pilersaarut nutaaq atuutilerpoq. Avataasiorluni sinerissallu qanittuani Kalaallit Nunaata Kitaani Tunumilu saarullittassanut siunnersuutit aqutsinissamut pilersaarut malillugu aalajangersarneqarput.

Atuisut ilisimasaat

Naalakkersuisoqarfiup kissaatigaa saarullinniat aalisarnermut ilisimasaat atorluarneqassasut pilersaarusiornernilu ilanngunneqarlutik peqataatinneqassasut. Tamanna tunngavigalugu ukiut tamaasa saarulliit pillugit nalunaarusiortoqartassaaq ilaatigut TAC-ip aalajangersarneranut atorneqartussamik. Naalakkersuisoqarfiup apeqqutit akisassat sinerissap qanittuani avataasiorlunilu aalisartunut nassiussuunnikuuvaat. Nalunaarusiaq uani takuneqarsinnaavoq: [Naqitat](#)

Brevdato:
Sags nr.: 2025 - 15414
Akt nr.: 25829586

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Tunup avannaani – avataasiorneq

Tunup avanna, takuuk aqutsinissamut pilersaarut, inuussutissarsiutigalugu aalisarfiit aqutsinikkut naammattumik ilisimasaqarfigineqanngimmat, misileraalluni aalisartunut aalisarfissanngortinneqartarpoq.

Tunu - Avataasiorluni aalisarneq

Ilisimatuussutsikkut siunnersuinerup inassutigaa Tunup avannaani saarulliit suffisartut 2026-imi pisassiissutigineqartut 23.518 tonsit sinnissanngikkaat, pisassiissutigineqartut 2025-imitulli iinnarput. Siunnersuineq 2022-miit 20%-imik appariarfiuvoq. Una siunnersuineq ukiunut pingasunut atuuppoq (2024, 2025 2026-ilu). Annertunerusumik ilisimasaqalernissamut ikorfartuisoqarnissaa pillugu inuussutissarsiortut piumasaqarfigineqarput misiligitissanik tigooraasassasut Pinngortitaleriffimmut nassiunneqartussanik.

Nalinginnaasumik isumaqartoqarpoq saarulliit Dohrn Bankemiittut Islandip saarulliinik akoqartut taamaallunilu ilimagineqarluni avitseqatigiiffiusut, aammalu peqassuseq annertunerusoq, Kalaallit Nunaata atorluannigisaa. Taamaattumik aqutsinissamut pilersaarut periarfissiivoq ukiut tamaasa TAC naleqqussarneqartarnissaanut.

Tunumi siunnersuutigineqarpoq TAC 2026-imi 40.000 tonsiussasoq aqutsiveqarfinni Dohrn Bankemi Tunullu Kujataani agguarneqartumik. (Takussutissiaq 2). Taanna 5.000 tonsinik qaffaaneruvoq. Pisassat qaffanneqarnerinut tamatuma misissuiffigineqarnerunissanik tunngaveqarpoq.

Kalaallit Nunaata Kitaani – saarulliit avataaniittut suffisartut

Siunnersuinerup oqariartuutigaa avataani saarullinniartoqarpallaarneratigut avataani suffisartut F_{MSY} aalisarfigineqarpallaartut, tamanna isumaqarpoq tamaani aalisarnermi piujuartitsineq tunngavigineqanngitsaq. Saarulleqatigiit akuleruttarput tamanna isumaqarpoq sinerissap qanittuani aalisarnermi saarulliit avataaneersut ilanngullutik pisarineqartartut. Siunnersuinermi naliliisoqarpoq, saarulliit suffisinnaasut aalisarneqarnissaminut amerlassuseqarluartut tassa peqassuseq ikiliartorpallaalerlutik $B_{trigger}$ aamma B_{lim} -imi inissisimasarfianiinngitsaq. Ilisimatuussutsikkut siunnersuinermi innersuussutigineqarpoq, saarulliit avataani suffisartut 2026-imi pisassiissutigineqartut 4.708 tonsit sinnissanngikkaat, tamanna 2025-mut sanilliullugu 1.470 tonsinik imlt. 45 %-

mik qaffariaateqarpoq. Siunnersuinerit qaffannerinut pissutaavoq saarullit suffisat nutaat ukiuni aggersuni aalisarfiusuni takkuttussaammata.

2025-imi aalisarnermut siunnersuisooqatigiit innersuussuteqarput avataasiorluni saarullittassat 10.000 tonsinik qaffanneqassasut. Qaffaaqqusinermit tunngavilersuutigineqarpoq aalisarsinnaasunik pisassinneqanngitsunilli sulii peqarmat, nunatta karsiata isertitaqarnerunissaanik suliffissanillu pilersitsinernik kinguneqartussaq. Inuussutissarsiortuniillu aamma oqaatigineqarpoq Kalaallit Nunaata Kitaani saarullippassuaqartoq aammalu pisaqarluartoqartartoq. Innersuussineq tamanut tusarniutigineqarpoq tusarniaaneq tusarniaanermilu akissutigineqartut uani takuneqarsinnaapput. [Tusarniaaneriit](#) Naalakkersuisut aalajangerput avataasiorluni saarullittassat 10.000 tonsinik qaffanneqassasut taamaalilluni TAC 2025-mi 16.500 tonsiuvoq.

Saarullinnut aqutsinissamik pilersaarummi aallaaserinnittoqarpoq, TAC-ip aalajangersarneqarnera ilisimatuussutsikkut siunnersuinerit tunngavigalugit TAC-lu ukiumut annerpaamik 15%-imik nikerarsinnaasoq, ilisimatuussutsikkut siunnersuummut pallittuitigaluni.

Tamanna tunngavigalugu innersuussutigineqarpoq TAC 2026-imi 16.000 tonsiussasoq, tamanna 500 tonsinik appariartitsineruvoq.

Aqutsinissamut pilersaarummi allaaserinnittoqarportaaq TAC-ip aalajangersarneqarnerani atuisut ilisimasaat ilanngunneqartalissasut. 2025-imi pisassat qaffanneqarnerani inuussutissarsiortut anngussaat tunngavigineqarput, tamannalu aamma 2026-mi TAC aalajangersarneqarneranut sunniuteqarpoq.

Aqutsinissamut pilersaarut malillugu saarullittassiissutit aqutsiveqarfinnut avannaanut kujataanullu agguarneqassapput, pisassat 30%-tii avannaanut (NAFO 1A-1C)-mut pisassiissutigineqassapput kujataanullu 70%-tit (NAFO 1D-1F)-mut pisassiissutigineqassallutik.

Takussutissiaq 1. Tunumi Kalaallit Nunaata Kitaani, Kalaallit Nunaatalu Kujataani avataasiorluni pisassiissutissat siunnersuutit (tonsinnngorlugit)

Aqutsiveqarfiit	Siunnersuineq 2025	Siunnersuineq 2026	Pisassat 2024	Pisassat 2025	Pisassat siunnersuutit 2026
Tunup avannaa	Siunnersui-soqanngilaq	Siunnersui-soqanngilaq	Misileraalluni aalisarneq	Misileraalluni aalisarneq	Misileraalluni aalisarneq
Dohrn Banke	23.518	23.518	25.000	27.000	32.000
Kalaallit Nunaata kujataa			7.900	8.000	8.000
Kalaallit Nunaata kitaani	3.238	4.708	Misileraalluni aalisarneq	NAFO 1A-1C 1.950*	NAFO 1A-1C 4.800
				NAFO 1D-1F 4.550*	NAFO 1D-1F 11.200

* 2025-imi oktoberimi pisassanik qaffaasoqareertoq NAFO 1A-1C-mi pisassat 4.950 tonsinngorput NAFO 1D-1F-milu 11.550 tonsinngorlutik.

Kalaallit Nunaata Kitaani – Sinerissap qanittuani

Ilisimatuussutsikkut siunnersuineq malillugu sinerissap qanittuani peqassutsit F_{MSY} , tamarmik aalisarneqarnermikkut qaangiiffigineqarput. Siunnersuinerimi naliliisoqarpoq, saarullit suffisinnaasut aalisarneqarnissaminut amerlassuseqarluartut tassa peqassuseq ikiliartorpallaalerlutik $B_{trigger}$ aamma B_{lim} -imi inissisimasarfianiinngitsaq. Ilisimatuussutsikkut siunnersuinerimi innersuussutigineqarpoq 2026-imi saarullit suffisartut sinerissap qanittuani pisassiissutigineqartut 4.336 tonsinik amerlanerussanngitsut, tamatumani pisassat 2025-mut pisassanut naleqqiullugit 119 tonsinik ikinnerupput. Siunnersuinerimi innersuututigineqarpoq 4.336 tonsit taakkunannga (2.376 tonsit) Nuup avannaanut (1.960 tonsit) Nuup kujataanut agguataarneqassasut.

Sinerissap qanittuani TAC pisassiissutigineqartussa aqutsinissamut pilersaarutit suliarineqarnerani suleqatigiinnit oqallisigineqarpoq. Isumaqatigiissutigineqarpoq sinerissap qanittuani aalisartoqaannarnissaa qulakkeerniarlugu siunissami TAC appartikkiartuaarneqassasoq. Suleqatigiit periusissamik isumaqatigiissuteqarput pisassanut naatsorsuinerimi atorneqartussa periusimi atorneqarput saarulleqatigiit ilaanneersunit, pisaneersunit siunnersuinerinillu. Periusimi atorneqartumi siunertarineqarpoq, saarullit suffisartut assigiinngitsuneersut aalisarneqartarmata, aammalu siunissaq eqqarsaatigalugu pisassat amerlassusilerneqartarneri siunnersuinerimut qanilliarortinneqarnissaat kiisalu inuiaqatigiit aningaasaqarnerat ilanngullugu isiginiarneqarluni. Kalaallit Nunaata Kitaani sinerissap qanittuani TAC-ip aalajangersarneqarnerani periuseq una tunngavigalugu aalajangersarneqarpoq:

NAFO 1A-C

$$TAC_{202x+1} = \frac{1}{\text{genetisk andel}} \cdot Fangst_{N-WISC202x-1} - k \cdot (Fangst_{N-WISC202x-1} - R\ddot{a}dgivning_{N-WISC202x+1})$$

NAFO 1D-F

$$TAC_{202x+1} = \frac{1}{\text{genetisk andel}} \cdot Fangst_{S-WISC202x-1} - k \cdot (Fangst_{S-WISC202x-1} - R\ddot{a}dgivning_{S-WISC202x+1})$$

$$TAC_{NAFO\ 1} = TAC_{NAFO1AC} + TAC_{NAFO1DF}$$

Periuseq taanna atorneqarpat, TAC 10%-imik appassaaq. Aqutsinissamut pilersaarut malillugu TAC 10%-mik millineqassaaq. Siunnersuututigineqarpoq sinerissap qanittuani TAC imaassasoq:

23.015 tonsit inuussutissarsiutigalugu aalisartunut
1.800 tonsit sunngiffimmi aalisartunut

Angallatinut 6 meterinik takinerlut sinerissap qanittuani aalisartunut 3 s\omilip avataani aalisartussanut pisassiineq – Kalaallit Nunaata Kitaani

Inuussutissarsiortunit kissaatigineqarnikuuvoq angallatit 6 meterinik takinerusut 3 s\omilip avataani aalisarsinnaanissaat. Tamatumunnga tunngavilersuututigineqarpoq saarullik 3 s\omilip avataaniittoq anginerullunilu pitsaassuseqarnerusoq aammalu angallatit 6 meterinik takinerusut unammillernartumiinnerat. Saarulleqatigiit sinerissap qanittuani avataaniittullu imminnut akuleruttarnerat aamma tunngavilersuutitut ilaavoq, sinerissap qanittuani aalisartut avataani aalisarsinnaanerattaq taamaallunilu tunngavilersuutigineqarluni.

Tamanna tunngavigalugu innersuussutigineqarpoq pisassat 5.000 tonsit sinerissap qanittuani aalisartooreersunut 3 s\omilip avataani pisassiissutigineqassasut. Pisassat agguanneqassapput avataasiorluni pisassiisarnermi agguaasseriaaseq atorlugu, Kalaallit Nunaata Kitaani aqutsiveqarfik (NAFO 1A-1C)-imi 30%-imik

pisassiissutigineqassapput, aqutsiveqarfik (NAFO 1D-1F)-imi 70%-imik pisassiissutigineqassapput. Peqassuseq tunngavigalugu taamatut agguasoqarpoq. 2026-mut pisassiissutit qinnutigineqarneranni sinerissap qanittuani aalisartunut 2025-imi aalisarsinnaanermut akuersissuteqareersunut paggatassiissutitullu aalisarneqassapput.

Tunu – Sinerissap qanittua

Tunumi sinerissap qanittuani saarullittassat pillugit siunnersuisoqanngilaq, aalisarnermullu tunngasunik paasissutissat annikittuinnaat pigineqarput. Tamanna tunngavigalugu siunnersuutigineqarpoq Tunumi sinerissap qanittua killeqanngitsumik aalisarfiussasoq, paasissutissat pisariaqartinneqartut katersorneqareerpata aatsaat sinerissap qanittuani peqassuseq paasisaqarfigineqarsinnaammat.

Aalisarfiit	Aqutsiveqarfiit	Siunnersuineq 2025	Siunnersuineq 2026	Pisassat 2025	Pisassanut siunnersuut 2026
Kalaallit Nunaata Kitaani Inuussutissarsiutigalugu aalisartut	Nuummiit avannamut (NAFO 1A-C)	2.151	2.376	25.572	23.015
	Nuup kujataani (NAFO 1D-F)	2.304	1.960		
Sunngiffimmi aalisartut	Kalaallit Nunaata Kitaani			2.000	1.800
Kalaallit Nunaata Kitaani (Sinerissap qanittuani angallatit aalisartut killeqarfiup 3 s¸mil avataani saarullinniarsinnaasut)	Nuummiit avannamut (NAFO 1A-1C)				1.500
	Nuup kujataani (NAFO 1D-1F)				3.500
Tunu	-	Siunnersu- isoqanngilaq	Siunnersu- isoqanngilaq	Pisassat killeqan- ngillat	Pisassat killeqan- ngillat

Inussiarnersumik inuulluaqqusillunga
Med venlig hilsen

Emma Boldreel